

Sakspapir

Sakshandsamar	Arkiv	ArkivsakID
Sveinung Toft	FE - 001	16/871

Saknr	Utval	Type	Dato
129/2016	Formannskapet	PS	29.11.2016

Fråsegn til intensjonsplan for etablering av Vestlandsregion - høyringsak

Vedlegg:

Journalposttittel	Dato
Språk i den nye vestlandsregionen	24.10.2016
Vestlandsregion - høyring	20.10.2016
Intensjonsplan for samanslåing av Sogn og Fjordane, Hordaland og Rogaland	17.11.2016

Rådmannen sitt framlegg til vedtak:

Saka vert lagt fram til politisk drøfting i formannskapet.

Saksopplysningar:

Bakgrunn og fakta:

I samband med at Stortinget i vårsesjonen 2015 handsama St.meld. 14 (2014 - 15) «Kommunereforma – nye oppgåver til større kommunar», vart det vedteke å invitere fylkeskommunane inn i kommunereforma, med sikte på å fastlegge struktur for eit nytt regionalt folkevald nivå våren 2017. Med grunnlag i vedtaket i Stortinget vart fylkeskommunane i brev frå Kommunal- og moderniseringsdepartementet 2.7.2015, inviterte til å «ta nabosamtalen» og å fatta vedtak om strukturendringer på regionalt nivå i løpet av hausten 2016.

Som ei oppfølging av denne invitasjonen er det gjennomført nabosamtalar og forhandlingar om ein intensjonsplan for samanslåing av fylkeskommunane Sogn og Fjordane, Hordaland og Rogaland til ein ny Vestlandsregion.

På fylkestinget, 5.oktober 2016, vart det vedteke å legge denne intensjonsplanen ut på høyring før endeleg vedtak om etablering av Vestlandsregionen på fylkestinget i desember 2016. Fylkestinget fatta følgjande vedtak:

1. «Fylkestinget ser på forhandlingsresultatet i intensjonsplanen for samanslåing av Rogaland, Hordaland og Sogn og Fjordane fylkeskommunar som eit godt utgangspunkt for endeleg handsaming av etablering av Vestlandsregionen på fylkestinget i desember 2016.

2. Fylkestinget legg intensjonsplanen for samanslåing av Rogaland, Hordaland og Sogn og Fjordane fylkeskommunar ut på offentleg høyring fram mot fylkestinget i desember 2016. Som ein del av høyringsgrunnlaget blir fylkesrådmannen bedt om å utarbeide ein samla rapport av felles utgreiingsarbeid som vart lagt til grunn for forhandlingane om intensjonsplanen.

3. Dersom dei andre fylkeskommunane gjennom sine vedtak ikkje godkjenner intensjonsplanen og forhandlingsresultatet, som grunnlag for endeleg handsaming av etablering av ein Vestlandsregion, får styringsgruppa fullmakt til å avklare om forhandlingsutvalet skal starte ein ny dialog med den av fylkeskommunane som seier ja, for å vurdere andre moglege nye regionløyisingar.

4. Spørsmålet om kva administrasjonsspråk det nye Vestlandsfylket skal ha, blir ein del av høyringsprosessen og vil bli avgjort av fylkestinget i dei tre fylkeskommunane etter at alle høyringsinstansane har fått uttalt seg.»

Sentrale moment i intensjonsplanen:

Overordna mål:

Vestlandsregionen skal vera ein sterk, attraktiv og kompetent samfunnsutviklar og tenesteytar under regional folkevald styring.

Hovudmål 1 – Sterkare demokrati gjennom ein ny folkevald region

Vestlandsregionen skal ha større demokratisk påverknad regionalt og nasjonalt, og skal sikre fleire statlege ressursar, etableringar og prioriteringar på Vestlandet enn det fylkeskommunane kunne fått til kvar for seg.

Hovudmål 2 – Framtidsretta samfunnsutvikling på Vestlandet

Vestlandsregionen skal sikre og utvikle gode og vekstkraftige lokalsamfunn og sterke byområde.

Hovudmål 3 – Høg kvalitet i tenestene

Vestlandsregionen skal vidareutvikle og sikre høg kvalitet i dei regionale tenestene til innbyggjarane, organisasjonane og næringslivet på Vestlandet.

Hovudmål 4 – Strategisk infrastrukturbygging

Vestlandsregionen skal sikre ein framtidsretta infrastruktur på Vestlandet, med mål om betra samband internt i regionen og gode kommunikasjonar mot resten av landet og ut i Europa.

Hovudmål 5 – Kultur og identitetsbygging

Vestlandsregionen skal bidra til å bygge ein sterkare felles kultur og identitet på tvers av dagens fylkesgrenser, utan at dette går ut over innbyggjarane sin identitet til lokalsamfunna dei bur i. Vestlandsidentiteten har lange historiske tradisjonar. Frå demokratisk samling og utvikling i mellomalderen til å vere ein landsdel med stor grad av internasjonalt samarbeid og handel i vår tid. Nynorsk har vore, og er, ein viktig felles identitetsbygger. Lokale skilnader i kultur vil, og skal framleis vere, viktig og eit felles mål å ta vare på.

Hovudmål 6 – Berekraftig forvaltning av samla ressursar

Vestlandsregionen skal, innanfor strukturane som vert valde, sikre ei betre forvaltning av dei samla

ressursane på Vestlandet enn dagens fylkeskommunar gjer kvar for seg, der kompetansen og ressursane i heile regionen vert nytta.

I tillegg er det definert delmål under alle hovudmåla, og i kap. 3 vert strukturen i den nye regionen definert med følgjande hovudtrekk:

- Fylka skal bli slått saman frå 01.01.2020
- Namnet er Vestlandsregionen
- Etablere eit regionting med 71 representantar i ein samla valkrins.
- Ein samla Stortingsvalkrins vert tilrådd (då må Stortinget endra grunnlova knytt til valordninga)
- Formannskapsmodellen vert lagt til grunn som politisk styringsform.
-
- Bergen blir administrasjonssenter med lokalisering av rådmannsfunksjon og politisk leiing.

Rogaland skal ha administrativ leiing av næring, opplæring, kollektivtransport og idrett.
Sogn- og Fjordane skal ha administrativ leiing av veg og kultur.

- Politiske organisering med regionting, regionutval og fire hovudutval for samferdsle, næring, opplæring og kultur/idrett. Møta i hovudutvala for næring, opplæring og kultur og idrett vert i hovudsak lagt til Stavanger, og for samferdsle til Leikanger/Førde.
- Ei fellesnemnd med 30 medlemmer vil få i oppgåve å laga framlegg til endeleg politisk organisering. Regionutvalet skal ha ansvar for følgjande: Regional planlegging, økonomik planlegging, klima og miljø, samt folkehelse.

I kap. 10 vert premissar for vestlandsregionen definert, mellom anna handlar dette om kva den nye fylkeskommunen skal ha av oppgåver, og at fylkesmannsembetet skal ha same geografiske struktur som regionen, og at denne leiinga skal vera lagt til Sogn og Fjordane.

Høyringsfrist er sett til 30. november 2016

Fleire dokument kan lastast ned på <http://www.hordaland.no/regionreform>

I tillegg vil ein visa til at Landsamanslutninga av nynorskkommunar, som Masfjorden er medlem i, har sendt ut brev til sine medlemmer og oppmoda desse om å ta inn eit eige punkt om språk i sine fråsegner til intensjonsplanen. Deira brev er lagt ved saka.

Vurdering:

Rådmannen legg fram saka til politisk drøfting.

Formannskapet - 129/2016

FS - behandling:

Ordfører Karstein Totland (H) orienterte kort og saka vart drøfta.

Formannskapet jobba fram følgjande framlegg til vedtak:

Masfjorden kommune støttar intensjonsavtalen slik han ligg føre og rår til at nynorsk vert administrasjonsspråket i den nye vestlandsregionen.

Framlegg til vedtak jobba fram i møtet vart samrøystes vedteke.

FS - vedtak:

Masfjorden kommune støttar intensjonsavtalen slik han ligg føre og rår til at nynorsk vert administrasjonsspråket i den nye vestlandsregionen.